

الأبو كليل والزهراني



جمع واعداد محمد كريم الكعبي

سرمد حاتم شكر السامرائي

۴. سِرِّ مَدِ حَالِ شِکَرِ

الأبونية والزهيري

أعداد و جمع محمد الكلبى

الإهداء ...

إلى ... أصحاب هذه الأبيات

إلى ... صاحبات هذه الأبيات

إلى ...

كل من سعى لتوثيق هذا الفن

إلى ...

الأقلام والحناجر التي

ترنمت ببيت من هذه

الأبيات المختارة

اهدي جهدي ... مع الاعتزاز

الكعبي

* * *

المسه كتله صباح الخير وبراك
التمازح كال لوله وخز وبراك
كلت لا والذي صورك وبراك
ابجيينك صبح ضنيته المسيه

* * *

رفيج السوء يمك لا تجيبه
وطريح الليل وحدك لا تجيبه
السفيه ان جان بالك لا تجيبه
السكوت احسن يصاح بها القضييه
ها ناح الكلب ها نحب هاون
ها ظعن الترف ها رحل .. هاون
ها ابي عليه ها صار .. هاون

الواشي جرد اسيوفه وحدها

لعد جنلي ابكطع وصلك عليه

* * *

اشهل غيضة يناهي منكرها

بزعل لو تصد عني منكرها

اجفون العين عيني منكرها

ابدن ما تضوك الوسن هيه

اريد ابجي على روعي وانا حي

بعيني حليت الدنيا وانا حي

صديق المارحم حالي وانا حي

شلي بيه يوم رداات التراب

* * *

روحي بسكم ونياحه سلوها

احباب الي يودوهه سلوها

سلمى لو ظفرتوهه سلوها

بيا مذهب تحل ادماي هيه

* * *

رمانى هواك يامدلول بسل

ودمعي فيض الوديان بسل

اخبرنك نره ظليت بسل

نفس يصعد وينزل غصب بيه

لفه ولفي يعاتبني وعتبه

يهد ويمشي والواشي يعتبه

يعت بيه وانتحب وابجي وعتبه

بجه ودموعه صبن .. سويه

* * *

يصاح انبيك يوم اجفاك تم حي

طرفي ولا عضو من عظامي تم حي
انا .. اشمكتب دموع العين تم حي
خطي ويشهد المكتوب اليه

* * *

هظيمه الرجل لو يطلب وشالات
الدينه اليمنتي كصت وشالات
العيس اتموت عطشانه وشالات
ابظهرها الماي والخبزة سويه

دمعي غيث من العين لو سال
وحررت معرف ابعلتي نحول لو سال
شأكله من يجي المحبوب لو سال
اكرهه لو محبته اعلاج اليه

* * *

وحك اللي اله بلكون عادات
الدمع من يومكم لليوم عادات
اللي لبس السواد اصبحت عادات

تَحِب اتصيد كلبي اشكد خطيه

* * *

عشرتاك لا تظن انسه وطرها

حجي العاذل الشنتها وطرها

اشما انكر سوافكم واطرها

انكر كل مصاب الصار بيه

* * *

الفرح يا صاح دنيانا عماها

وغدى عام الفرح كله عماها

ايكلها اجه لكن عماها

غشيم اصوحبي ونفسه دنيه

* * *

شعرك يا حبيبي نوم سارح

وفكري بيك بين الناس سارح

ليش امعاجب الرعيان سارح

اهم ردو وهو سواله جيه

* * *

اهم وانشد وادور اعليك وانت
وبليلى زانت من اجفاك وانت
او حياتك طلبتي ومناي وانت
امرادي وانت الارب اليه

* * *

على نفسك يصاح اعتمد واكصر
زمانك موش عطرادات واكصر
اليوم الناس اخبرك اقل واكصر
من لمح البصر واتخون هيه

* * *

رسول الجاك يامدلول حيله
صاقي او عيب الي وياك حيله
بده والئات جعده الطرف حيله
تكسر لو ما .. اتجيله بديه

* * *

سكاني الدهر عكب الشهد خله
ابدليلى وبيابي العين خله

يلايم لا تلوم الكلب خله
هليل وصاح بالفركه عليه ...

* * *

بلعمار ه وشفيت بطين بطين
خلن لي براس الكلب بطين
ليش اتملطخ الجفين بطين
اخاف عليك يلذاتك رديه

مر مره حبيبي ومره دانه
كعد يسحك ابلبي مردانه
غدبت اخلع قميصي مردانه
لان بس العظم والجلد بيه

* * *

اشويه التفت صوبي لو ميانه
بزعل انت ه تسبني لو ميانه
كمت ما الوم غيرك لو ميانه
كسرني هواك وعمل بيه

* * *

عين وجيد عدها والحلكها
ساعة اتموت روعي والحكلها
جعلت الذنب بيه والحكلها
خذت حكي وبعد وتريد جيه

* * *

ابطيلك يلخلا خيلك بهن داي
دنف او مسلهم اعيونك بهن داي
اظن تخطر من اخدوك بهن داي
نبل واتخاف، زان جرح بيه

* * *

الملابس والعنب والحشم والالام
بوسط كلبي رماني بسهم والالم
توكل من تريد اوياي والالام
خاف اتكول ما مروش بيه

* * *

انادي الهم بصوتي اتصير باحه
ابسبب دمي شريح الروح باحه
يصب مجنون ليلى هواه ... باحه
وانه سري كتمته وعمل بيه

* * *

تكلي الدمع شو اسود ومامي
واشوفه جامد بعينك ومامي
ادموعي انشفت كللتها ومامي
وهذا .. اسواد عيني ايسل فيه

* * *

وكفنا الوداع وهب عجاجاي
او صبابه ادموعه فاضت عجيجاي
بجت ليلو وبجيت انا عجاجاي
او عقد صار ابنحرها الكل سويه

* * *

بنت ومنادس الواشي طرفها
التراب ايطيب لو لامس .. طرفها
اعرف الوصل لو سلهم طرفها
واعرف الهجر لو شبهر عليه

* * *

اهنا يلخذه روعي وانتة بيهه
المحاسن فرع منك وانتة بيهه
لا تحرك جبدتي وانتة بيهه
خوفي اعليك موخوفي عليه

* **

حبيبي لا تظن الدهر سرنا
هجرنا اديارنا وللغرب سرنا
وحكك ما ظهر للناس سرنا
لجن دمعني فضحني او عم عليه

* * *

وضع جفه اعله صدري الترف بهداي

كلت له ابريت جيد جان بهداي

لتفرح كال عيني رمت بهداي

واريد الكاهه وين انفذت هيه

يسر كلبي سرورك وانتشارك

وانا .. جا الطير عندك وانتشارك

نحط همي وبهمك وانتشارك

عليك البجي وانه النوح اليه

* * *

دلالك لو غنج يدعي وهابك

علي تخفي قطع وصلك وهابك

امس ما اريد اكلك وهابك

واكول اتعود وابديلك شليه

* * *

همت لجلك ينهاي وعفت جني
او طبعي اشما اغيره ايعود .. جني
يجلبني الاسى جنبين .. جني
على اطراف الرماح السمهرية

* * *

حذيتته للعناق انتنى خيلا
وتكل باحمرار الوجن خيلا
بفتور من اللوا حظ كال خيلا
العناك احرام كلت الاثم ليه

* * *

اليحبك ما غفى يا ترف ليله
ولا فد يوم بعدك جفن ليله
بالله اعليك هل ضميت ليله
اعله صدرك لو ثغرها ارشفت ميه

* * *

اجر بحبل وصل الترف لا مت
او رمحي لعد روحه تبع لا مت
ابحب ليلي عليه الأهل لا مت
اخوي وابن عمي وخال اليه

* * *

انقطع مني نسيم العذب او هو اي
واخاف او كم ابوسط البير او هو اي
خلف يمشي هواها دوم واهو اي
جداسي وهواها .. العم عليه

* * *

همنه وللوطن عفنه .. وهنا
او سحر المقل بولبنه وهنا
صر عن للكلب سود وهنا
ضعيفات وسحر هن بابليه

* * *

السلوى ما تنكص اعموم والمن

اجروحي ورم من بلهجر والمن

اشتكيكم يا حبيب اليوم والمن

ابث شكواي وانتم داي اليه

* * *

روحي اسهام البعيني ردتها

ابرداء النذل لجل حبك ردتها

ليلي او هيه از غيره ردتها

كبل ما بانن النهدين اليه

* * *

يخي لا تظن جفني نام ليلي

على اللي مكشره جن عقد ليلي

تراهي فضلت عالناس ليلي

مثل ليله قدر عن الف هيه

* * *

عشرتي اويالك ما توصل محلها
ومشاكل تبدي ابهجرك محلها
نقطة خال لو تتظر محلها
الخليل ابنار نمرود السريه

* * *

اصيحن يهل هذا الضعن ورعو
انزلوا ابوسط لب احشاي ورعو
عذولي ما رحم لي انمام ورعو
عسى الله لا رعاه العذل ليه

* * *

وحياتك لا تظن الطرب عناي
وتراني الدارهم كل يوم عناي
انه المحب واهل الشوك عناي
خذو .. هذا العشك عدهم سجيّه

* * *

عجز من شيل هدمي ماله متني
وعلي ضاكت الوسعه مالم متني
نون تدري الوادم ماله متني
له الظاهر وانه علتني خفيه

* * *

ابنجر احباب كلبي لا تلمني
تطشرت ابهواهم لا تلمني
عليه اهواه امكتر لا تلمني
لو اشوفك وجد معذلت بيه

* * *

الحر بي مسرجه يشكر خيالك
اتخذ لني دون خلك الله خيالك
فمي بنجرك وبعيوني خيالك
والكلب ماواك شيعييك عليه

* * *

وحك الحرك الميت وحاكاه
عجيب انفصله الثوبك وحاكاه
مثل بدر السما وجهه .. وحاكاه
او لو ويا البدر يطلع سويه

* * *

وشاتي نهو علمحبيب وانتة
وحجبيهم زاد بالدلال وننته
خلقت الله الحسن يالااه وننته
تحب الحسن جانه اشلون بيه

* * *

خلاتي ابهواه الترف منجان
اومالي من سهام اللحظ منجان
كالو بيه نظرة عين من جان
ولو صدكو اعيون الناس هيه

* * *

جماله منوجد بعده وقبله
وصرت لهل الهوى مذهب وقبله
أقحوان الورد شم ثغره وقبله
وثبت شكله ابشفاقه وعمل بيه

* * *

طبت من رشفة ارضابه وشافه
ولذاتي ابخمر ثغره وشافه
النصارى لو رأيت خده وشافه
الناقوس او صليب احركت هيه

* * *

كلي اشسبك يا جفن ونداك
غدو ما يسمعون ابجاك ونداك
لون همي بجبل جا ساخ ونداك
وتشظه وكل كتر منه بنحيه

* * *

أجرعت كأس الصبر بهواك لو مر
وكلبي يطيع امر الترف لو مر
السيف ابينه يا ناس .. لو مر
دمي لو دماه يجرن سويه

* * *

ابكلبي من جهلنا اهواج نامي
ولا مرة سمعت اقوال نامي
على صدري يحلوه ارجوج نامي
ارفضت حلت سواد العين هيه

* * *

افاكر ما نفعتني عود بحشاي
كل شوفي ونهاري كمت بحشاي
عانكتنه ونار الشوك بحشاي
سناها التهب نار ويوج بيه

* * *

السلوى ما تنكص اهموم ولمن
اجروحي ورمين بالهجر ولمن
اشتكيكم يا حبيب اليوم ولمن
ابث شكواي وانتم داي اليه

* * *

بنت وامنادس الواشي طرفها
التراب ايطيب لو لامس طرفها
اعرف الوصل لو سلهم طرفها
واعرف الهجر لو تبهر عليه

* * *

دلالك لو غنج يدعى وهابك
علي تخفي قطع وصلك وهابك
امس ما اريد اكلتك وهابك
واكول ايعود وابد يلك شليه

* * *

الغرامك لا تظن نتسه ونسله
وكلنه انذوب لفراكان ونسله
تظن كلبي لكه غيرك ونسله
اذا .. شكيت سل كلك عليه

* * *

اظل ارعه نجوم الليل بسماي
ولي ناظر يهل الدمع بسماي
الج بسمه وعينه تلج بسماي
اون اعليه وابد ماون عليه

* * *

اكتبله حبيبي العجب ليوان
اطك الراح فوك الراح ليوان
همت والبشر كله صاح ليوان
اكلهم مادريتو شصار بيه

* * *

نحل جسمي وبقت روعي تعالي

يريم الرابي بروس التعالي

يجاره الدهر ما انصف تعالي

نخبط اهمومنه ونجسم سويه

* * *

سكاري احنه بهوه شوكة وصحنه

جزه دمعي وجرح خدي وصحنه

غركنه من الدمع صاحو .. وصحنه

احتركنه ونازكم عمت عليه

* * *

يسايح ضعن حلو الطول وجفه

تره كلبي لهيب الشوك وجفه

ظالم علمره الجفه وجفه

كفاني اللي صدر منه عليه

* * *

انه صابر ونار اعداي تاره
واريد اعيون كل الناس تاره
مثل السيف اخش للغمد تاره
اوتاره انسل وراويك المنيه

* * *

اسوم اعليك الله وياي دم هل
موده والدمع بجفاك دم هل
يعجل من يخاف الفوت دم هل
اراك ونفذ المحتوم بيه

* * *

انه دوم بكدر والناس بسعاد
كفايه الصابني يادهر بسعاد
شفت الكلب فوك البيه بسعاد
اشتبي مني اشتريد يصير بيه

* * *

علي يذبل ركه دمعي و عالاوي
الذاري من سمع صوتي و عالاوي
اجت بالوصل .. وانه انتهت و عالاوي
الوصل شيفيد من تدنه المنيه

* * *

جره دمعي على الوجنات مادام
على الريم الدير اقداح مادام
حرام الزنا .. بالقران .. ما دام
من التقبيل لا تبخل عليه

* * *

طبيبي اشما يجس النبض لاجن
فتاكم بيه نياپ اسمار لاجن
كلت ويحك جست معناني لاجن
خطيت من الهجر ما كلت بيه

* * *

سبابيح الضمير انبلني ولون
وغده لوني بلون الياس ولون
انه الاسسيت النوح ولون
مني واخذته العالم سجيّه

* * *

الواشي ايلومني بحبكم يهليه
وانه جفني الدمع مزنه يهليه
لون كل الخلك لامت يهليه
يحن كلبي ويزيد الشوك بيه

* * *

احن الكل ثغر ضاحك وشمله
ويعجبني طبع لسحر وشمله
نذر من ينجمع شملي وشمله
غفل ضاع العمر ما بين اتديه

* * *

لبوسة خده حن كلبي وداعه
شعاع وليل بي طالب وداعه
جاد ابوسه بس ساعة وداعه
يريت العمر كله اوداع اليه

* * *

بحد السيف افيض الهم واني
كظيم بنبع خافيتي .. واني
تجلد ابدي للشامت واني
صروف الدهر راوتني المنيه

* * *

يناهي اشما احمست جبدي تراني
ميت والخلك حيا .. تراني
يهل العشاك خبروني تراني
شصنع من يحل العشك بيه

* * *

يكلبي الشوك للخلائع وذراك
وهم جانو ملائكة دوم وذراك
شتالك للوشو ما نفع وذراك
برض صبحه وبذرتة على الوطيه

* * *

هنيه الروح وفراكل شجاها
وبنات الروح من يمي شجاها
الناس اتكاطعت كلي شجاها
ايصير بها الوكت ما مش حميه

* * *

تتابيني يكلبي اشبيك ونبيك
كلي من الونين اشطال ونبيك
تعبت اهواي عاجافوك ونبيك
بعد دكات خل تلطم عليه

* * *

يناهي اشما يون الورك نابيت
سبب لنك لعند الروح نابيت
تراك احنه ايسويد احشاي نابيت
مثل ما ثبتت العشره بديه

* * *

العكل مني يهل وادم وياهم
الجفاني او من جفاه انه وياهم
بلاظن بل يقيني اعلم وياهم
كلبي عين ماجد كلب ليه

* * *

جرحت بناظري خديه وهواه
بعينه جرح لب احشاي وهواه
احبه بعالم الاصلاب وهواه
مغرم بالرحم نيران بيه

* * *

يعاذل حيل كابحني ولمني
وذنمي والجم اجر وحي ولمني
على اسنين الهجر طشني ولمني
تجدني الوفي الما ينسه الخويه

* * *

كتلني البشريعه ترس مايات
اخذ عكلي وبيه الارض مايات
لوانري بارظكم هاي مايات
ولا شخصك رايتيه ابهل الثنيه

* * *

ايد مايوم بامر الله شركنا
وايد ما ننصب اعله الحك شركنا
على الرقه الكلب غيرك شركنا
وهو الكلبين دكتهن سويه

* * *

عكلي من اليوده الجبد ينبان
وله نار التوجر بين ينبان
انه منشرب لذيد الماي ينبان
الي شخصيك ابكاس الفتك بيه

* * *

حده حادي الظعن والظعن مابين
وسري انكتم للعذال مابين
بسواد العين اثارى وهم مابين
ظلو عي والنشر ضايغ عليه

* * *

دليل بنار يوم نجفاك يغله
وعدوي ابسهم لللال يغله
وحكك ما عليه المهر .. يغله
تهون الروح اله كل يوم هيه

* * *

حبيبي الماسمع لايم ولامه
امر ما بالهوه وصعب ولامه
جريت اتمثله مبعد ولامه
رصد وشجم شرك منصوب اليه

* * *

الك مرعي بدليلي وانتة رame
اهو رامك يناهي وانتة رame
هيه يله انتكابل ونترame
بحجر والظربتين اتطيح بيه

* * *

الله وياك حلو الجسد ولعين
هلبت ودعت من بيبك ولعين
دريض ياكلب واستجن ولعين
ابتليت ابلوة الخنسه الشجيه

* * *

تُرف يلبلمحاسن تاج .. لابس
منبوسن وجنتك لتكول .. لا بس
ابشر عنا البوس للوجنات .. لابس
لجن كطف الورد منها خطيه

* * *

عونه اللي حوه المدلول وينا
الم نوره يهالي المجد وينا
تعجبت الشمس قبلت وينا
ما تدرج بداها الشمس هيه

* * *

حبيبي سم سكه كلبي بجتلي
وعيون اعداي يا صاحب بجتلي
كالو .. سعه كلثهم .. بجتلي
او حرم ناليتهم .. نومي عليه

* * *

ابزل فك مسج يامدلول لو هل
يمن خذك اهلل العيد لو هل
اودك من جنت بالمهد لو هل
دكلي اشغيرك يشكر عليه

* * *

الواعظ تاه فكره و حار بعضاي
ابودادك كام بعضي ابحسد بعضاي
مدار الماي دار اهو اك بعضاي
الك كل الجسم و الرسم بيه

* * *

بعيني الحب لطولك ما يزينه
الف عام بعشرتك ما يزينه
فكري الطرب كله ما يزينه
يزينه امسامرك لو حصل ليه

* * *

وحك اللي اله جبريل لوله
حبيبي اكل صفه مايبك لوله
بهواك محارب اهلي وهم لوله
وداك شبه ماي وخمر ليه

* * *

الرجل لوجان كومة يده يدها
سجايه المرتد فيها يده يدها
يفكدوني هلي لو يده يدها
وبا الظلمه البدر ينفكد ضيه

* * *

كراديس العذل شنت تداوت
وبمبات الهوى ابجدي تداوت
من ليلي بهوى ليله تداوت
مثل شرب الخمره ادواه هيه

* * *

بعد متغير حسراتي وندماي
راح الجان الي ونسه وندماي
خضاب الناس بالجنه وندماي
خضابي صار من عيني لديه

* * *

بنات الروح نوح وناوحي
شحي وسيوف هجرنا وناوحي
اجفوف الفيض دمعي ناوحي
واكلك شوف يوم اجفاك اليه

* * *

ترف لا عود يطربني ولاني
سبب لن لالهوه يشكرو ولاني
لاني ميت ابشوكك ولاني
حي .. انحيل بس النفس بيه

* * *

عنك تاهت الافكار وانظار
وال امتيمك للتلف ونظار
اخذ بيدي واشيل الثوب ونظار
ضنا جسمي او قميصي ستر .. ليه

* * *

الدهر معطن علي كل يوم ثاره
محا دهر ي عساه انمحت ثاره
شلك عندي يدھر الشوم ثاره
تصاحبني وتر او حني برزيه

* * *

الناس انجوم وانه نوم جدي
اوصفه للغير يا مخلوكه جدي
زرعت المجد انه ابوطن جدي
وجنه غير الثمر غصبن عليه

* * *

تسعشع نور خده بليل وشرك
ويعن نجره علي بلماي وشرك
طعني احاه .. يلب أحشاي وشرك
الكلب طارن لعد هام الثريه

* * *

جبدتي بزركت اعيونه فتاها
وعكلي بحسن وجناته فتاها
اهي ام الشمس والكوكب فتاها
ظلمها اللي يمول الشمس هيه

* * *

خالص ياترف بس الك ودنه
لوتسكن بيابي العين ودنه
لوبات الترف بحشاي ودنه
كتله اكرب يحلو الطول ليه

* * *

راسي من الهظم صارت وشه بي

وريت ابعاد غيرتني وشي بي

ابشعر راسي تعيرني وشيبي

اوقار الشيب بي ما درت هيه

* * *

عصت روعي فلا طاعت بالانهار

اومتل كت المزن دمعي بالانهار

كلام الليل يمحوه .. بالانهار

اهل هذا الوكت بيهم سجيّه

* * *

الدهر اعلن حرب ضدي وحن لك

وجفني اتغضب ابدمعي وحن لك

انه مشتاك لوداك وحن لك

حنين ادريس للجنه الزهيه

* * *

خلص صبري لوين اصبر بعدكم

احبابي الدهر عن عيني بعدكم

اظل ابجي اتم الطم بعدكم

اي والله لما تعودون اليه

* * *

دمع العين مني ليلك يسره

اون وصفك يميني فوك يسره

يكول الله بعد العسر يسره

صدج لكن صعب يشكر عليه

* * *

الوكت بس البراسه اجنون يمينه

غدر بينه وبدوار الجان يمينه

ابد ما تنتصر يسره بغير يمينه

ولا يمينه وحدها اتحل قضيه

* * *

يوم اللي عليه الترف مرمر
سلب روعي ولعند العكل مرمر
نكطة عنبر ابيض صحن مرمر
خاله وحسن بخدوده الضويه

* * *

يريح الماتهب بسباع شبحاه
ابحسن اللي يملكه الحسن شبحاه
سمعنه الكنص صاد الريح شبحاه
وانت بسهام فكلك مضت هيه

* * *

نموعي للوجن بجفاك ناديت
انوح ولك جميع اعضاي ناديت
على عاصي الهوى بسيوف ناديت
عيون الله وكبرهن بابليه

* * *

ذلولي هام بوداك فتاها
عليك بياشرع جتلي فتاها
زليخه انته صرت وانه فتاها
وصرت اظرب تره بجقوف اديه

* * *

على راسي غراب البين ينعاب
ومن كثر الونين الجيد ينعاب
من ازيد الوصل مني ليك ينعاب
بسبب كل العيون تصد عليه

* * *

الغيرك ما سنه جرحي ولك سن
فرض واجب علي وصلك ولك سن
الك من العتب شفه ولك سن
برد يخسه البرد ماهو جديه

* * *

ادور وانشد اليرحون والجو
على اللي بلكلب نيران وجو
جفوني وصفري بذني الدهر والجو
مثلهم بعد ما يحصل بديه

* * *

مدري اشوفك اجر وحي وشده
حرت كما ارد اداويه وشده
المصايب علي اعظمها وشده
اليدري بعلي ويلوم بيه

* * *

شيب راسي وعظمي وهني
اوليالي الكدر صرتلهن وهني
بعد مشروب مالنلي وهني

انه ميت تره اولاً نفس بيه

الدختر ماعرف طبه على اشفاي

عجز وهواك عم يشكر على شفاي

دخل مرات خديتك على اشفاي

تعرف انتة حياتي من المنيه

* * *

بجيت وسال دمع العين بلدار

على خلن هجري وخان بلدار

امر للدار مالي هوه بلدار

هوايه ابساكنين الدار هيه

* * *

اجور وتكري منك سبب يواري

وانري اخدود عند ورد يواري

انه الماخلفتك شور _ بواري

عجب مثل الطفل تلعب عليه

عشكتك واحملت جورك وازورك

وصرت كل يوم اكصدتك وازروك

اهجرتني وبان بهاتك وزرورك

نذل خوان و افعالك رديه

* * *

لبوسة خده حن كلبي وداعه

شعاع اوليلي بن طالب وداعه

جاد ابوسته ايساعة وداعه

يريت العمر كله اوداع اليه

* * *

دموعي لغير شخصك ما هله

الملهى ابغير شوفك ماهي ملهه

تمر شكر وادوم ما هملهه

وتمر انتة وگرامي ايدور بيه

ابد لالي النوايب نحش نتحاش

وهظيمه يازرع للنذل نتحاش

المطالب بالتمني عيب نتحاش

ابحد السيف اخذ دقيه الغويه

* * *

الدنيه امل ما بيهه بسهناك

واخذ هالمو عضه اصحه بسهناك

اشما تلبس جديد البس بسهناك

تره بس الأخلاق اتفيد هيه

* * *

الفخر الله وبدينه ومنه بينه

والعالم نفرضه منه بينه

هائي الامم كله من نبيه

اخذت زوده واهتدت هيه

الذنيه خسر كل من يامن الله

اوريد اويالك اسولف يامن الله

اذا رادت تياسر يامن الله

واحذر هه بصباحك والمسيه

* * *

كلبك ليش قاسي ما تليينه

وتدري بغير حبك ما تليينه

لعد حبل الموده ما تليينه

عليش انته تكطعه اتريد بيه

ينبيك علم الكلب للراس .. شين وب / شيب
واعلكت نار الهجر بحشاي .. شين وب / شبت
در جنت احسبك اسف واطلعت شين وب / شبه
مدروك درب الهوى مدريت سين ولام / سل
وله ايضا

ياصاح جرح الكلب حابر انه بلحمته
وثوب التهاني ركذ مبيت من لحمته
غم الرجل لورجه .. نولات من لحمته
ياصاحب الروح روحك بالصبر عنده
ولهل المكارم اخبرك لو بغت عنده
لكن اكو .. مساله ارد انشدك عنده
كلي الجلب لو سمن هم تنوكل لحمته
فاجابه ولده عبد الامير

ارداي ثوب الصبر واعله النوايب جلد
وللي نخاني اطيحن دوم عظم . وجلد
اطعن اكلوب العده وبلروس اجلد جلد
واعتني الزينات والسابع سمنه لو سمن

ولركاب النزال انه المشتري لو سمن
ويل كنت لحم الجلب هم ينوكل لو سمن
بهليوم اكو ناس تاكل لحمه والجلد
ولسعد محمد الحسن هذا البيت في الشموخ
ياصاح شط حيكم روي ارتوت منه
عطشان اجت فرفعت ما سمعت المنه
والعيط ابد ما شكه من عتته المنه
من حيث عنده طبع بعثوكه ابد ما نشد
واجروحنه ابجر حنه بضماذ ابد ما نشد
لما ينشف الدمع هالراي ابد ما نشد
خلي اموت ابشرف لا عيشه المنه

* * *

ولاخر هذا البيت في العتب
ياحيف وبالنوده ما كظينه اوطار
ومنشار هجره رطح بين الظلوع اوطار

يا طير سعدي السكيتة اوشت عني اوطار
يا عين الكبير مرهب كل جميله اوروف
دع للمضي اوفات مالك ما ترق وترووف
انجان دمعك شحيح او ما يطير .. روف
دمعي رفت بيه مد عمري الكظيته وطار

* * *

وللاخر في الغزل

فاح للصبا من شمال اشمايله اعراف
والمسح منك تعبك واستفاد اعراف
حيرت ابمحاسنك اهل الدرك و اراف
والله ثابت ويوم انواك جبهه رعد
الدمع منه مواطر والنياحه .. رعد
يامن سكاني الصبر من راس سورة الرعد
ما تسكني من رضاك سورة العراف

* *

وللساعر مالك الشرع حيث تلاعب بالمفردات وقال في الندم
صحابان هذا الوكت ما بيها واحد يسر

* * *

وللشاعر عادل الصوري هذا البيت في الفراق

اشما طال بيه الدرب يم شفتج موصللي

شطر محله الطبع داده الغنج موصللي

واصله كله العشك بس انه شو موصللي

من حيث جور الوكت قسم ابروحي اقسام

بس ما خذاني التعب كلبي بهواج اقسام

عيونج ابهده ولج من تسحب الاقسام

خلي دلالج مفرد علي موصللي

* * *

وللشاعر.. السيد يوسف الموسوي هذا البيت الحسيني

حسين سيف الظلم عن امه ما يله

وعباس علمشرعه راح وبعد مايله

ياكفر رحمو الطفل راد الطفل ما يله

بلكون ما ظل شخص عن قصته ما نعه

والماي اهل الظلم لهل العدل ما نعه

حرف الحقيقه نطق لكننا مانعه

والمهدي يبقى الامل هو يعدل المايله

* * *

وللشاعر عادل الجحيشي هذا البيت في الذكرى

ارجف بليل الشقه واذكر دفن صاحبي

واسهر واريد التهي بس الخمر صاحبي

صحت انه من الالم وردلي الصدى صاحبي

اسكت يكلي ولك تدري شلك مالك

ضيعت ولفك عفه وهم ضيعت مالك

نجمع شضه همتك وادفن الاله مالك

الخله صح خلتك لا خلتي صاحبي

* * *

وللشاعر يوسف علي هذا البيت في الغدر

اسيوف هجرك ولك وسط الكلب سلها

واعطاي من غيبتك صارت تحب سلها

اعيونني تنظر سنه محد ولك سلها

لو فنت من يمه هلبت عليه تمر

عكبك ليالي العسل كامت بحلكي تمر

جيت انه يم تخلتك وانتظر منه تمر

موتمر ذبت علي ذبت علي سلته

* * *

ولي هذا البيت في حب الرسول محمد (ص)

جان وانس بالشكر للرب اجت مصطفى

للي اصطفاه خالقه وغيره ابد مصطفى

حرف الكفر من صطه بغاه البشر مصطفى

بلحق اجه من الزغر وبغيره ابد مرتضى

رحمه وتحسه البشر بكلوبهم — مرتضى

يهل الكرم والعنل يا شيعة المرتضى

صيزو انتو واحد كلب وصلو علي المصطفى

* * *

ولي في حب الوطن هذا البيت ايضاً

العوز اجاني امس شاور .. بذاني وعرض

مشروع اسمه السفر — لكن ضميري عرض

حط صورة اهلي وبجه وشماهه طول وعرض

وكلي الوطن تجوه اهو لركابنه لو .. وطن

وجدامنه هي تزل لو غير كاعه وطن
الوطن يعني العرض والعرض يعني الوطن
واللي يبيع الوطن يعني يبيع العرض

* * *

ولي ايضاً في حب علي بن ابي طالب (ع)
خيطة الكلب للوصي ما تخلص او شيعته
وروحي بفخر ها الخبر يم البشر شيعته
وجدمي اعلاه دربه سره يا علي شيعته
شي من اعطاي ازحفت شي طارت وشيعته
اهوه انه هذا الدرب شي بي تعب شيعته
يم الخلك لو كنت ليه الفخر شيعته
وافتخر اقره لعلي وانحسب من شيعته
ولي هذا النموذج الجديد من الزهيري المطرز والملمع بالفصحى
سنلوني عنك كلب مثل الفراشه ورق ...
ولمن وصفتك الم طاف اعلاه راسي ورق
حسيت توه الهوى طاب وتتسم ورق

مجنون كالو عقل لاخاف لا .. منفصم ..
 مكسور اكلهم كلب كالولي لا ... منفصم
 شي كنت كلك رطب لاحشف لامن فصم
 يامن هواك هوى فيك الهوى قد هوى
 فيك الهوى قد هوى بامن هواك هوى
 بين الهوى والهوى كم نرتجيك هوى
 كالولي وضحه الحجى كنت انه راح اوضحه
 هنياله كلمن نذر لجله بحياته .. وضحه
 لو غاب وحشه مسى ومن يمر جنة الضحه
 شايل ابو صفك سحر خدر لساني .. ولك
 والصفنه ربك اظن خالقها ليه .. ولك
 امنين لك هالحسن بس كلي خايب ولك
 سبحان من صورك جن عالشمس حاجبك

مدرى يريدك فتن مدرى اله حاجبك
ابيض ابلون الثلج صم ليل .. بس حاجبك
وسجة سراب الشعر والرمش مردى أبلم
ومن تكبل امرأيتك تخدر تحس ابالم
كلبي انه وديته لك ما حسسك والم
تسعر بما قد فعل هذا الجمال .. بنا
صرحاً بالزراراك من خلفها قد بنا ..
ان لم تخاف الهوى رفقا فحف ربنا .. ؟
ماكنت ان لم يشا .. رب العباد .. كذا
ارحم قرب السما .. لم يرتبك كذا
لاستبيح الهوى وانظر ولك هاك اذا
موبس عليك الكلب ينبض وذر وثره
حن كمت احس نشوتي بالراس حد الذره

مشراكتي ابو جنتك ما اريد في .. لوثره
 داوي ابرضا بك دوه للي نظربه شمس
 كالنار انتة وانه يردوني امسك شمس
 راداك كلي امس لو تدري امسي شمس
 ينس وملامه وقهر لاشوك لاراحه الي
 ميت واحس العمر كل العمر .. راح الي
 اصفن واكول العوض عمري كظه راح الي
 لاوين صد وهجر .. لاوين هما ... وهم
 كاللي دواه علتة صاروت متياني .. وهم
 عايش ابو صفك حلم لاهي بصفاتك .. وهم
 باوعو صفنو علي هزو بديهم .. دبس
 يامن تريد العشف من عنده يطلع ... دبس
 صح ولفك ابيض وجه لكن دليله .. دبس

انرففت في كفهم دمعاً وقلت .. كفا

أتو .. بحسن المله من لهو .. فاها .. كفا

الود في خده والخمر في ريقه والصحو في كفا

حنيت كفي له .. لكنه لم .. يحن

لم يختليه الوفا .. لكنه لم ... يحن

قد حان في صدره .. لكنه لم .. يحن

قطف الثمار .. فقط في صدره قد روى

كالبنر وسط الفلا كم ظامناً قد روى

قد قل من شأنه هذا الذي قد روى

بعد احلى من هذا الوصف بس القلم بيه عرج

والساني عن الورق من خوفه بيه هم عرج

صد كوني ماينوصف من الحور اظن بيه عرج

من البحر ماخذ نفو .. من الورد ماخذ .. شذا

مثل الفجر من يمر .. عكلي بمشييه ... شذا

اذاك كالواذا .. كلنه هوه .. شذا

كلت انه عين البشر .. تاذيه لمن .. يمر

يرخصوله حتى النفس لكنه ابد مايمر

طبعه انه احسه غسل وياي لمن ... يمر

شائل ابجيده سحر مثل الكمر يوصفه

ذل ابرموشه الورد يحتار من ... يوصفه

هاذي المعاني اذا .. كالولي جا .. والصفه

كلتلهم انه الصفه من عنده اخذه .. صفه

وكلتلهم انه السميه من عنده اخذه .. صفه

وكلتلهم انه الدمع .. من عنده عاخذ .. صفه

كالولي نقطة ضعف .. عندك كلت .. نقطه

تذبل لون الجفن ذب عالوجن .. نقطه

واسمك بأربع نقط .. واسمي ولا .. نقطه

ميزتك كلش ترف وشفاك حامض .. حلو

حطيت رسمك لغز وكلتلهم انه .. حلو

حليته وتعذرو صفاكولي كالمو .. حلو

بس انتة ولفك جمع النار .. وبه الورق

وللشاعر مالك الشراع هذا البيت الذي ضمن به اسماء الاقطار

العربية

اتعب تعب مو تعب من كصتي شط اعراق

وجدادي اهل القيم بيهم اصل وعراق

خلوني اسولف انه عل ماحلي وعراق

احزاني ميه بحر وهنه الصداك بحرین

وعيونك حكهين عمن ملن حجي بحرین

بالروح اسافر فقط للارین وبحرین

والدمع فوك للرمش وشويه لنه قطر
من شفت موتي كرب واكف تراني قطر
كلت انهزم وابتعد والمكه اروح وقطر
ولساني وبه العقل اهنالك علي عمان
ما اسكت امن الحجي شنهني السبب عمان
وانري عليك لقصد سافرت من عمان
لاجني واكف علم عالمبدأ يقى مصر
وخل الوكت عاصفه ما توب انه وش مصر
اوخل وشوف الهرم وسكنية ومصر
وشمايصيح القدر عن وجه ابد مغرب
احلم يجيني الصبح ودعي بوكت مغرب
ياربي فرج علي حط جدمي بالمغرب
ربت انه اكتب شعر وبالي اجه زاير

وهو اي اجتني الصور البوم اجه ز اير
وز هيري شعبي اكتب وجمهوري جزاير
كالولي حجيك جمر بينا اشعمل سوريا
ونصحوني اشد النفس كتبو خبر سوريا
ماهمني هذا الحجي كلت العزم سوريا
وبنيت بيت بجص كلت احسن بلبنيان
ملكيت طينت هلي كلت اعر البنان
وشتيهت روي التمر فوك التمر لبنان
كلت انه اشد البطن يمكن اظن صومالي
فكيت عيني وشفيت نب واحد صومالي
سوها ضلمه علي لاصوني لاصومالي
ياجدمي اركض ولك وجلني يم ليبيا
اليبي سيدك حجو ورماح اجت ليه بيا

لم حظي لكتب عتب والحضي وليبيا

اتذكرت صاحب رحل من رجع بس عودايه

وواحد شليله حزن واحدا بسعود ايه

تمنيت احج ابطم موصدك بسعوديه

مشدوه بالي صفه والعين لما رات

اقصور ضخمة شفت وكثر بعد مارات

كلت انه شسمه اليلد كالولي الامارات

اشويه اريح الجسد اصفك هلا تونس

وسئلوني عن الحزن لكت انه اظن تونس

بكمر ك تتاني وكح مارضه يطب تونس

وحزمت روعي ابصبر واكل للكلب سودان

بيض ايامك شبر كل من ولك سودان

ناداني صوت الكلب طلعتني من سودان

جبته وجبت اجهره طبيت انه الكويت

لا غسلت بدلتني لاطبيت لكويت

شفت العكل بالسره لا قرطله ولكويت

فكرت امشي انه ووصل وروح اليمن

وتعجبت عالجدم بيا كتر يوكف يمن

صحت نه كافي اتعبت عذبت حالي بمن

ضميت كل العرب رد بيه اريد اعراق

يا صاح هذا الوقت ما بيه صاحب وفي

بيه التجافي اشكتر والغدر وسطه وفيه

جنت ابشتاك الشمس وبالصيف شجره وفي

جاليش هسه ولك لاتسال وتنشد

كل دمعه مني الحزن شعرالك تنشد

أجد وحي كومه سعف مازن بعد تتشد

وانوب انتہ تجي وأتذب علي سله

لا عنب منك شفت لاحصلت سله

من يوم ضعنك رحل صاب الجعم سله

أصرخ بصوتي .. واقز بالليل جم مره

ومايوم طيفك خطف مامر علي .. مره

الدنيه يا صاحبي عكبك صفت مره

بيد الغشيم أصبحت والذين منه راح

أصبع ندامه أعض وأصفك ابراحي راح

أملوح أويه الزمن مايوم عمري راح

مثل البلابل طبع بل احلى واجمل ورق

عشرتي أويالك أصبحت عشرة كواغد ورق

أنهاري ضيم وحزن .. والليل حسده ورق

٨٩٢.٠٨١١

ك ٦٢٩ الكعبي محمد كريم

الأبودية والزهيري / أعداد محمد كريم العيبي

بغداد : دار المرتضى ٢٠٠٥

ص ٢٠٠ سم

١ - الشعر العربي (الشعبي) - العراق

أ - العنوان

٩.٢

٢٠٠٥/٩٢

رقم الأيداع في دار الكتب والوثائق ببغداد ٩٢ لسنة ٢٠٠٥

الحقوق محفوظة لدار المرتضى للطبع والنشر والتوزيع

بغداد - شارع المتنبي (موبايل ٠٧٩٠١٢٩٥٣٦٤)



